



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 32 DE SU 22/02/2023

OGETU: AGIORNAMENTU DISCIPLINARI E TARIFAS PO SA CUNTZESSIONI E S'IMPERU DE LOCALIS SCOLÀSTICUS COMUNALIS E DE IS PALESTRAS SCOLÀSTICAS COMUNALIS IN ORÀRIU EXTRASCOLÀSTICU.

S' annu 2023, su 22 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

### ***Nòmini e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
Eja  
Eja  
Eja  
Eja

**Presentis: 7**

**Ausentis: 0**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### **Postu chi:**

- unu de is obietivus de importu mannu de s' Aministrazzioni Comunali est sa promotzioni e su sustennu de totu is iniziativas po s'avaloramentu de s' istrutzioni, sa cultura e su sport;
- is localis e is palestras scolàsticas comunalis rapresentant una resursa po su territòriu e unu strumentu utilosu de educatzioni;

**Ca** cunforma a s' art. 12 de sa lei n. 517/1997, is edifitzius e is ainas scolàsticas podint essi imperaus in oràriu de servitziu scolàsticu po atividadis chi punnint a sa funtzioni de sa scola comenti tzentru de promotzioni culturali, sotziali e tzivili e chi su comunu dda podit cuntzedi a manera temporànea, cun parri a favori de is consillus de tzirculu o de istitutu;

### **Cunforma** a s'art. 6 de su D.Lgs 38/2021:

- s'imperu de is impiantus sportivus in esercitziu de parti de is entis localis territorialis est abertu a totus is tzitadinus e depit essi assiguru, segundu critèrius obietivus, a totus is sotziedadis e assòtzius sportivus;
- is palestras, is àreas de giogu e is impiantus sportivus scolàsticus, sighendi is bisòngius de s'atividadi didàtica e de is atividadis sportivas de sa scola, finas extracurricularis cunforma a su regulamentu de su cali a su d.P.R. 10 de ladàmini 1996, n. 567, depint essi postus a disponimentu de sotziedadis e assòtzius sportivus diletantìsticus cun sedi in su pròpiu comunu innui ddoi at sa sedi de s' istitutu scolàsticu o in comunus lacanantis;

**Biu** su disciplinari aprovau cun sa delibera de sa Giunta Comunali n.174/2014;

**Ca** cunforma a su D.Lgs 38/2021 tocat a annoai su disciplinari ponendi-ddu in aplicu a totus is palestras scolàsticas comunalis;

**Liau a consideru** chi cun custu atu etotu si bolit aprovai s' aggiornamentu de su disciplinari aprovau cun sa delibera de sa Giunta Comunali n.174/2014 e determinai is tarifas po s' imperu temporàneu de is localis scolàsticus e de is palestras comunalis;

**Sendi chi** is tarifas po sa cuntzessioni po s' imperu temporàneu de custus localis est de considerai comenti rembursu de is gastus generalis de funzionamentu;

**Cunsiderau chi** su Comunu de Cabuderra cuntzedit a manera temporànea is localis scolàsticus e is palestras scolàsticas a Assòtzius e sugetus pùblicos e privaus chi nci funt in su territòriu comunali cun finalidadi pùblicas, apustis de un' atu deliberativu de sa Giunta Comunali;

**Biu** su disciplinari in acàpiu a custu atu etotu;

**Arriciu** parri a favori de regularidadi tècnica cunforma a s' art. 49, c. 1, de su D.Lgs. n. 267/2000, de parti de su Responsàbili de su Setori Patrimòniu;

---

**Arriciu** parri a favori de regularidadi contàbili cunforma a s' art. 49, c. 1, de su D.Lgs. n. 267/2000, de parti de su Responsàbili de su Setori Finanziàriu;

Cun votazioni a totòmini, cunforma a sa lei,

## **DELÌBERAT**

**De aprovai** su disciplinari, de n. 10 artìculus, po sa cuntzessioni e s' imperu de is localis e de is palestras scolàsticas comunalis in oràriu extrascolàsticu, chi si ponit in acàpiu a custu atu etotu;

**De determinai** is tarifas po s' imperu temporàneu de is localis e de is palestras scolàsticas comunalis aici comentì sighet:

- €. 2,00 a s' ora po s' imperu de is palestras scolàsticas comunalis

- €. 100,00 po s' imperu de is localis scolàsticus po cada mesi

**De donai atu** chi s' aplicazioni de custas tarifas cumentzat de su 1 de martzu 2023 e bolit posta in aplicu finas a is cuntratus in vigèntzia;

**De trasmiti** una còpia de custas deliberazioni a is Responsàbilis de setori cunforma a is cumpetèntzia insoru;

**De donai atu** chi is intradas s'ant a insertai in su bilàntziu de previsionì;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---